



Historia De Sanctissima Crvce Caravacensi

Robles, Juan de

Augustae Vind., 1619

XVIII. In horribili & repentina tempestate S. Crux absq[ue] opera & auxilio humano se conspiciendam præbet in turris fastigio.

[urn:nbn:de:hbz:466:1-64232](#)

iudicio. Nam anno M D L I X. mense Octobri nobilissima matrona Maria de Castro vxor Francisci de Cisneros, grauissimo morbo conflictata, summis precibus institit apud prædictam Principem, vt sibi mitteret aquam, cui portiuncula C R V C I S iniecta. Misit sed non profuit; quia decumbenti præsentes notarunt ex vasculo emanuisse aliquid sanguinis, ex quo statim Ioanna Princeps collegit illam non conualituram, pluribus afferens idipsum accidisse. Prædictionem comprobauit mors Mariæ paulò post secuta.

CAPVT XVIII.

*IN HORRIBILI ET REPENTINA TEM-
PESTATE S. CRVX absq; opera humana se conficiendam
præbet in iurris fastigio.*

Satis hactenus demonstratum arbitror quantam efficacitatem habeat S. CRVX ad morbos à corporibus humanis abigendos, & quascunque calamitates arcedas; nunc breuiter ostendum quantam vim exerat contra Dæmonis machinamenta; qui, vt corpora lædere aliquando prohibeat, conatur tamen veteri odio instigatus, in fortunas & facultates hominum potestatem usurpare, sicut quondam externis bonis Iobum exuit, vt hac occasione fiduciam in DEVM amitteret, & animæ detrimentum patetur. Nec hodie cessat ijsdem technis Carauacenses impugnare. Cum enim cælum maximè serenatum, nullumque mutandæ tranquillitatis indicium apparet, solet ipse frequenter in hoc tractu aërem ita turbare, & motu repantino nubes congregare, vt intra quartam horæ partem nimbo & grandine scutorum nonaginta millium iactura stat: propter camporum enim & hortorum planitatem ita omnia inundant, vt mare ipsum eò effluxisse videatur. Quamobrem nisi ad S. CRVCI præsidium confugeremus, milles iam actum esset de regionis huius habitatoribus. Nec solùm nobis DEVS auxilio per eam subuenit, quando precibus instamus, sed ipsam etiam se, nobis tacentibus, & nihil agentibus, propitiari exhibit. Exemplo sit quod iam narrabo.

Anno M D X C I. die 7. Nouembris nulla erat tempestatis futuræ suspicio, quia nec vlla nubecula cæli serenitatem obscurabat.

Ea

Ea de causâ securus Ioannes Martinez facelli S. CRVEIS custos, in agrum suum se conferebat; & ecce subita & prodigiosa tempestas repente excitatur; tonitrua aures feriunt, coruscationes oculos perstringunt, & pluiae inter fulmina tam densæ cadunt, ut quamvis locus esset propinquus, & ille plurimū festinaret, ultra primas tamen oppidi ædes nulla ratione posset progredi, ut S. CRVCEM pro more ex theca depromeret, tempestateque opponeret. Incolæ autem non tam metu exrerriti sunt, quod præter tenebras inductas viderent corruisse aliquot ædes; sed quod intelligerent nec scallanum, nec alium quenquam posse per plateas incedere, & ad arcem penetrare, qui S. CRVCEM in simili necessitate certum solatium & expertum, proferret. Sub hac trepidatione quidam ciues consuetudinis gnari, oculos ad turrim sustulerunt, supraque ipsius tectum conspexerunt lucem splendidam, quasi multæ faces arderent, in medio tamen longè splendidiorem; ideoque iudicarunt vel à scallano, vel ab alio S. CRVCEM expositam. Constitit tamen postea nullum prorsus mortalium in turri fuisse, neq; S. CRVCEM attigisse. Itaque grati agnouerunt eam sine hominum adminiculo ad fastigium ascendisse, ut tempestatem maiora damna minitatem disjeceret. Cuius rei testimonium litteris consignatum, & à fide dignis subscriptum retinetur in archiuo S. Crucis.

CAPVT XIX.

*ALIA QVAEDAM INSIGNIA ET SELECTA
Vera CRVCIS miracula.*

ANNO MDLXXIV. S. CRVX solempni supplicatione instituta, pridie ipsius festi ex scello deportabatur ad parochiale templum, & iam iam erat collocanda super altare præparatum, cum quedam mulier, cui brachium penitus arefactum emarcuerat, voce contenta exclamat, enixeq; flagitat, ut illud à S. CRVCIS prius attrectetur & consignetur. Non potuit hoc pietatis officium denegari afflictæ foeminæ: CRVX admouetur brachio elanguido, & brachium dicto citius consanescit. Illa præ gaudio in laudes DEI prorumpit, & vir sex ante mensibus videndi facultate priuatus itidem magnis clamoribus postulat, ut CRVX oculis suis applicetur. Sed tanta multitudo in templum irruerat, ut nullus fuerit ac-

H 3 cedendi